

卷
811
326

彊方靜齋

國學萃編

第十四期
順德溫肅署



國學萃編代派處

上海 神州日報館
南洋官書局

湖北 漢陽上鋼廠
廣裕和治坊

吉林 民政司警政
科錢質臣君

南京 坊口大街億太和布莊
虹橋甘溪沈公館

安徽 西門同康錢莊
孫次青君

蕪湖 大馬路松筠閣
磁窩街同泰莊

嘉興 東門南堰中市吳
大成號吳澄甫君

山東 濟南鐵路
分局余君

日本 大清公使館葉金綬君
中央大學堂曹民甫君

九江 官銀潯號
胡繼山君

鎮江 太保巷裕興號
魚巷文成堂 榨油公司王君

吳城 吳城鎮商務分
會潘棣卿君

安慶 榮升街張剛勇
公祠張伯英君

清江 警察三區
秦渭雲君

四川 成都府安定書
局胡石生君

河南 城省雙龍巷劉劍侯君
懷慶府採辦圖書局

香港 實報館潘
蘭史君

南昌 普智派
報處

蘇州 觀前九華堂 閭門
絲蔭堂 義源齋

廣東 華甯里總彙書畫處
濠畔街大清分銀行秦君

漢口 廣智
書局

揚州 文富堂惜餘春

天津 府署東梁

北京 琉璃廠各南紙店 商
務印書館 有正書局

第十四期

國學萃編

沈庚藻著



捐助社費

芳名

以收到先後為次凡允助而未交款者概不冊登
照章助十元送閱三年助三十元以上永遠送閱

吳季白先生助洋拾元

熊太史助洋拾元

著涪吟社第四十二課題目

不用本社課卷者雖佳作不錄

黃絹詞人值課

詩詞題

秋陰

作詩作詞均可詩作七律一首不限韻調寄月底修簫譜

詩鐘題

萬螢火

分詠體

限七月十五日截卷外埠展限十天寄北京香爐營四條胡同路北裴宅

裴絢臣君收

加課題目

亦須用本社卷紙

錢花農加課

詩題

新荷

七絕四首不限韻

詩鐘題

東昏侯

古錢

分詠體

截卷限期同上寄吉林省城民政司署內警政科錢質臣君收 錢君所



值正課春雪早已揭曉此次加課准於截卷後一月內揭曉凡我同社勿吝珠玉是所至禱

湘上琴莊加課題

本社附啓

詩題 琴心 琴舌 琴因 琴果 詩限七絕各一首詞限浣溪紗各一

聯題 獨覽梅花掃臘雪 此題係風琴基本七音之譯音

限七月十五截卷外省展十天寄湖南衡州派報社收入便妥

附啓 琴夢 酷嗜風琴恨無佳什爲之寫照高山流水感喟何如曾於歌唱之餘作有風琴銘銘曰惟爾之心蘊抱古今虞薰煦嫗湘竹痕深惟爾之

舌顫動凄切婉轉激揚聞者欲結惟爾之因悠然天鈞花信漠漠不負前身惟爾之果何時報可奴界莊嚴飛揚支那右銘聊誌一時之嚮往不計

工拙茲命爲課題敬祈

王琴夢再拜肅

吟 廣錫 珠玉是所厚幸

王琴夢再拜肅

特別加課 廣徵畢司馬岐山公輓章不拘詩古文詞不限體韻限七月底

京外一律截止八月內一准揭曉贈彩從豐卷交本社吳夢蘭君代收外

省或寄漢口花布街畢仁豐號內畢鈞堂收入亦妥 國學萃編社代刊

附節略 畢公歧山安徽太平人少有奇氣不屑爲章句之學成豐時粵匪

勢熾甚公棄家負母避難至漢皋遂家焉壯時挾貲走東瀛歷三湘兩浙

東粵川陝間足跡幾徧天下揮金結客凡奇才異能之士識公恨晚手創

商業歎各國利權外溢於是謀創燮昌火柴公司於漢司役男女數千人

時值歲荒賴此全活甚衆聲譽遂亦隆起漢埠先後設商務局及總商會

咸推公爲總董公一再力辭往來冠蓋之場數十年無絲毫習氣遇不平

事必據理力爭不直不已任勞任怨百折不撓某年漢埠瑞記洋行買辦

憤事華商受累甚鉅幾釀交涉重案公挺身排解耗費六萬餘金事關公

益恒出私財仗助事成絕不言功生平慨慷大率類此親友負公債多至

數十萬力不能儻公檢原券悉焚之他如各省水旱災祲無不首捐鉅款以爲之倡蓋富而俠者也公事親孝治家嚴持身儉待人厚外渾樸而內嚴明晚年家居手不釋卷喜與文士遊有丈夫子二鈞堂卽其長子也孫三人將見炎炎赫赫大昌厥後天之報施善人豈爽也哉公於前年秋病逝享壽六十有八 鄙人與公子鈞堂遊知公甚深謹陳大略敬乞同社 諸 詩伯 各揮椽筆闡發潛德以示方來不勝厚幸

世上餘人孫次青代啓

兩淮戲亂記出書廣告

此書記捻匪苗練叛亡始末後附中興樂府前附

題辭數十家必傳之作也每册大洋叁角五分外省加郵費式分

冒氏小品四種

出書啓

此爲如皋冒氏家刻本

四種目列下 寒碧風吟 蘭言 游茶集鈔 集美

人名詩四種合訂一册售大洋式角五分外省加郵費二分 婦人集法 一零陳其年著冒巢民注又婦人集補係冒青茗補合訂一册大洋叁角 伍分郵費式分此五種在冒氏叢書內抽出本社借板自備紙墨印數百 郵券請同好非冒氏印售也特并聲明 准月內出書

錢子方墓表

道光中浙有魁儒曰嘉興錢給諫衍石先生以文學行義爲世宗向旣沒其弟海昌梁博警石先生繼之衍石掌教大梁久有子曰子萬警石教海昌尤久有子曰子方先後以會試遊京師京師人不獲見二石先生則樂親其良子而惜其皆蚤死始子萬助其父效明焦氏書爲獻徵錄採摭數千人碑版傳誌之文數千篇資後史據筆削余與曾侍郎心嚮往之子萬歿後數年子方及弟子密如京師曾公俾錄其書類目以來擬請史館檄上其副本而不果又俾子方昆弟就余索交余與錢氏有舊故前哭子萬於京師而交子方昆弟則自於曾公嘗晨詣其寓舍時子密未起子方居外寢誦聲琅然呼共車載抵虎坊橋袁編修所觀宋刻漢書意躡甚警石勤校史記漢書凡數過尤嗜善本書子方子密有聞見必求訪寫寄顛末以慰娛其父子方諱炳森初名銘恕甲辰舉於鄉沈實穎敏於書生而知好之也其伯父曰四水先生

友泗有志正學而蚤死子方爲其後子密幼受業於子方以拔貢官吏部咸豐甲寅春謂子密曰昔方百川語其弟望溪吾與汝得常家居俾二大人無憂離足矣吾誦而懔然乃相與還海昌警石以受吏部封罷爲教官僑居海昌也於是十月二日子方感寒疾卒年三十九妻蒯氏子五人女二人警石既哭其良子居貧不得已復遣子密宦京師過杭求余爲文促促未暇爲丙辰丁巳聞警石數以事來杭州論文史娓娓蓋其老而不衰於是子方沒三年矣先以某年月日祔葬於海鹽南石木之先兆乃追爲之表以塞其父無窮之悲其葬祔也故世家不具

易安人墓表

道光乙巳冬十有一月翰林編修茶陵陳君承命出守吉安翼日入對上語曰日禮部章上汝妻與請旌其有諸卽頓首伏謝臣源堯故妻易氏蒙恩予旌幸甚其可旌奈何對曰易氏有孝義行鄉人哀之以聞有司非臣望可

及也 上爲動色稱歎久之而後勗以守官之道陳君出而流涕述諸人先是君邁危疾反復輒增劇凡三月餘瀕死者數矣妻易安人方娠晝夜奔追牀下數泣禱於神期以身代最後割臂肉和飲飲君一進疾若失而安人由是積勞疾未幾益以他疾三十六日而死年三十一於是陳君大哀慟幾溢於禮經自斷不更取他氏其鄉人曾侍郎國藩爲詩以慰其悲爲墓誌以序其實且曰婦人於法旌節與孝而已若安人之義服勤至死以貫其夫之死有功於陳氏甚大以孝旌其可乃聯其鄉士大夫列於鄉有司以達於禮官蓋期年而得旌旌命下不旬日而陳君有吉安之命自世俗言之急其夫以死不幸而不及其榮祿然盡其道而死死而無嗟於心有稱於人安人非不幸也獨陳氏方熾而失安人之賢君今出守人事日生回思京居空約時夫婦寂寞相慰與安人舍身相爲之情歲月遙遙恐久漸遷忘益愴顧遺迹以悲而君之意亦如是爲不可及矣余交會君久獲識君安人之返葬也未得

卜厝以待事瀕行來請爲豫表以俟他日揭於安人之墓上其世次居里卒葬月日之詳則曾誌備矣

打虎記

定州王 瑚 鐵珊

孔君繁琴聖裔也性剛猛而與人無爭相對語輒笑目炯炯又若不與凡庸伍自昔多戰功甲辰歲歸予所部忌者短於今督兩廣岑公予爲之解曰孔爲將如鷲鷹猛虎攫狡兔逐走鹿正需其材由是始安是年冬予守柳州君駐營於江陰立魚之峯一日予對客坐有人言孔某打虎初聞不信繼往觀之其物大如牛文則炳然牝虎也剖腹有子四爪牙畢具文如其母身長尺餘行將育矣與俗言一乳而生兩子者大異初虎來一市闐然有獵者數十人共逐之銃發不能中君躍馬追之虎伏山麓叢樹中相距僅丈君以泰西聯珠槍八發皆中要害不死怒吼來撲衆皆驚散君急下馬拔佩刀殪之刀入額柄爲斷而君色不少變談笑如平常何其壯也獻於岑公嘉其爲民除

害獎異之孔子云苛政猛於虎當是時予爲郡守月餘耳且無所謂政者是虎也奚以出也既而思之粵西之亂久矣弱肉而強食孰使之而曰無苛政是以挺刀殺人而曰非我也宜是虎之出也而孔君毅然除之亦將有以助我已於是相與戒師旅深入乎叢山窮搜乎巖洞悍惡成禽聚而殲者以百數上其事於大府大府許之曰能雖然官者民之司命者也殺所以止亂者也政因時而制宜者也今昔之勢殊矣庶幾虎不再來刑不復用敷政優優苗民用命孔君又將何以啓予也

遊燕子洞記

巖邑山村始立名多不知所取然或開異境出奇狀以供遊者之盤桓而詩客雜以談諧世俗詫爲靈怪又爲置神祠釋道於其中以祈報而獻媚所在皆是也臨安東南四十里有村曰緬甸緬甸之國與滇爲隣或因此得名固不可知左行五六里有燕子洞疆吏使臣過此必留跡以去以故名益著丙

午孟冬余自臨安來舍騎以步徑不容足側行數刻乃得平地環顧皆山也松竹蕉杉之屬映澗流作聲有豐宇數楹周以石壁庭前菊猶華而寂無人東北隅鑿石爲門偃僂伏入緣磴而下初陰翳無所見捫石欄左旋降數十級澄心靜立微辨色勢廻曲如旋廊列龕隨其次復行如前有地曠以奧垣而方縱橫皆五十步蓋報賽譙會之所兼施以人力者也仰首觀天有口如井而百倍之巨腹膨脹大樹斜出其口又類插花之瓶復行至水際兩山對峙午日射其顛草樹綠縹澗水西來前有兩洞廠若譙門大者高百尺小者三四十尺湫湍迴流如奔如吸其上水石鬱結萬象倒懸如笋如蓮如刀劍如鐘磬如齒之齟齬角之抵觸其深幽以窅水入爲伏流回至始立處審視記遊者甚衆懸崖大書曰靈谷涵春乾隆中大吏富公留刻也其下有穴黯黑不敢入頃之有道士秉火以迎聚足聯步上忽有光得危樓焉架木爲之顏曰聽泉之閣倚欄俯視向之所見悉在目中問所以名燕子者道士云當

仲春時有燕來巢以億萬計大者如烏鵲小者類鷓鴣或黑或紫色從其類結果而乳雛燕飛而去土人摹崖壁而上取其遺巢餌爲珍品卽世俗所稱燕窩者然墮則必死故不多見又澗流入洞三伏三見行十五里蓄爲澤曰熱水潭類溫泉焉魚多龍種禱雨輒應向有法蘭西人施水雷轟擊得魚十數尾足證非謬噫甚矣其說之怪也夫山谷者其始皆風水之所盪磨溜食既久則變異以成形如斯洞誠可謂奇異者已吾未見其靈也道士蜀人詢其來方旬日其說燕子事亦不可信吾將于明年春復觀之

凌山策騎圖詩卷跋

何仁山

右古今體詩六首乃題梓亭先生凌山策騎圖者圖經兵燹失去中所題贈皆海內名流詩不止此此僅吾粵人作耳同治己巳先生三遊嶺南前題詩人已盡歸道山因出副本命仁山錄存之蓋不勝黃公酒爐之感云先生生平多奇節嗜讀異書嗜游名山川足跡所至縱橫三萬里視昔人所謂江山

之助者渺乎小矣凌山奇境先生奇氣坡公云茲游奇絕冠平生斯圖雖失已足不朽已已夏五月東莞何仁山識於珊瑚洲畔之艸艸堂

臥雲小隱跋

臥雲隱者語也主人志濟物非果於隱者曷以名客曰主人慕諸葛臥龍之為人而不敢以自况故隱其義云釋者曰臥潛也不終臥見也知見不知潛非能臥者也能潛不能見非善臥者也臥矣而不離乎雲其有霖雨蒼生之意乎客笑曰有是哉此不言龍而龍者也試以斯說質之主人何如主人臥而弗答

來鶴山房跋

山房之後有鶴來巢主人屬顏之且跋焉鶴仙客也來亦吾友也此聲氣應求之義也又曰鳴鶴在陰其子和之友鶴者其並得君臣父子之道乎顧俗所謂鶴非鶴也眾鶴之亦鶴之而已矣吾園有梅花矣歲寒之守鶴能來與

濤幾字螭蟠慣閱磨人之歲月惜余所藏亦僅僅如雲霄羽毛滄海一粟耳迺披文以相質輒忻慰之交縈千秋景仰敢侈金滕石屋之觀一角安排等諸賸水殘山之例

虹橋酬雪記

李肇增

元冬歲遘雨雪紛逕出自北門同人於野既縱茗話復謀釀飲飄風弗弗顛倒巾衣衝寒涉涂載訪王媪長虹飲波西梁宛延蓬蓋落落酒壚在焉於是少長雜沓造門而嘖肴酌咄嗟引滿而笑七友聊浪二豪色然幕天帷地云胡不樂柴桑處士迺復踵至談調嘔噓益助歡趣魯酒薄薄秦聲烏烏當是時也醉而忘反譬游京臺冬非我冬不知序盡且夫萬物一陶欣戚異致迎賢郊牧飢夫鴻紛遠睇洲渚餓人兩泣南陽之粟無由天降中澤之命曷以延息漢江森森冤濤沸天矧乃祝融復煽其虐時楚岸被火傷人甚衆赤血千里黃頭橫飛前既厄水後重苦火天降鞠凶莫此為甚慘慘篤癡摧剝如彼吾儕小

人行樂如此迺知物之不齊物之情也苟悟知足弗用貪天卽事多欣人間何世雖遠松喬已謝纏徽履綦未沫用諗來者

九日游烏窠禪院記

丹徒李恩綬 丹叔

焦塾鎮隸於毗陵之鄉隣近暨陽之界吾宗申耆氏養一齋文謂昔焦先生垂教此間本稱焦塾後謬爲塾是也距鎮二里有棲雲菴他僻而幽余每館暇輒來尋詩歲在重九適屆抱樸之誕是日作時有步虛之聲遂厭塵囂直船岑家蓋庵前里許有烏窠禪院在焉院向爲名利嗣遭荒廢人迹罕至里人沈茂才紫封因爲前導於時落葉積徑觸作屐響涼風動衣攬入帽影稻孫宜水瀼瀼可聽棟子未霜纍纍正熟抵寺由旁扉步入廡積及肩樹老空腹蓬蒿沒人防有蛇蠃莓苔繡佛雜以鳥糞龕燈油罄廚突煙冷有一病僧乃是竈養蹒跚自憐菜色可掬時正削芋以療晚饑指知寺後有池一泓中多無尾之魚傳是禪師之蹟有僧取池魚煎釜中尾已枯適師至遂覆釜於池至今魚皆無尾沈子至取一尾觀之信然

余笑應之池畔多龍爪蕙觀以黃花漏爛足愛時則暮禽欲返斜陽速客有斷碑二載寺之始末字已缺蝕不可讀余復徘徊門外見寺榜烏窠四字署曰白樂天書筆頗秀偉僧云錢唐西湖某寺有斯額此是撫成沈子詢余烏窠之義乃馮臆對曰釋寶誌事也顧瞻四山暝色蒼然急歸仍循棲雲庵經聲未輟不及入抵鎮市戶上燈火矣遂邀同游者至館煮蟹命酒余年最少首倡一詩客退挑燈記之沈子外有張丈俊民郭君漪園凡四人

遊玉山超岸寺記

吾鄉玉山隸古蒜嶺之界在西津渡之右石如怒猊渴欲赴水颯似飛鳥峭且刺天昔沙漲未汗漫時余幼侍先兄子猶師縱權至金山經其下嘗目遇之山之超岸寺卽浮玉亭遺址耀自 璇題宏開梵域觀濶之隨避風之館軒櫺宵辟煙波渺緜一天然畫本焉赭寇劫餘樓宇盪盡祠荒水府放翁之稀不來潭長寒榛謫仙之鰲釣鼓粥鼓聲希龕燈焰冷多年所矣智峰長老

法精譯白言妙譚元赤華之舍重開青豆之房再築雲去流磬風來韻琴歲
戊戌孟陬十一日同門何君緝菴應君子衡王君汝舟及從弟東雲並金陳
兩畫師凡七人子衡時足疾乘籃輿先行余與諸子循蒜山脚以達寺嵐翠
落袖松影在門時則茶聲剗答談屑塵揮相與契六通之奧悟十知之空饌
習伊蒲飲刪米汁禪悅之味何以加茲飯罷復隨喜因船玉山之巔石逾十
尋氣吞千里西鳥之輪將墮未墮北雁之騰無聲有聲落磴相款葦灘四周
風捲市腔耳滌江瀨則又唏噓於榮悴之迭易滄桑之變遷也緝庵將爲越
中之游余亦有白下之行慨勝會之不常庶後約之可續寺壁陷鄒一岡登
望江樓詩編諸子用韻各一章步雲與陳子合繪斯圖朗朗如玉山行我慚
叔則飄飄有凌雲氣公等相如麝麀胎名鴻泥留迹江山大好爲懷北固之
前游裙屐常新勉紹西園之雅集

白雲山九龍泉銘

并序

古岡 何朝昌 璋貞

蓋聞觴宴瑤池傾九天之靈液瑞呈丹壑浮下地之醴泉覽土脉之清激知
文人之秀拔粵有白雲山者虎踞體峙龍臥勢雄摩星者億萬重蔚雲者百
餘里巖高水滴珠濺簾疏洞古虹橫玉浮煙斂百盤噴薄萬磴透迤松竹則
盪爲虛光泉石則發爲奇響山橫螺影收未了之青水蕩珠光接無邊之綠
收煙霞於兩掌落日之雙丸此誠重離第一壯觀百粵無雙福地也而山
旣秀峭水益清腴文忠罷歸之年曾留別業安期招隱之日先得名泉兩崖
劈而珠跳一穴破而玉碎土膏細洑石髓徐滋味甘如齊色清似醞翻瓊漿
於蒲澗澗玉澧於菊湖冰雪精神醴醴灌頂不數城中甜水何須惠郡豐湖
所以名士風流才人霞想筇頭駐 屐齒梯青淪仙境之靈源泉分鑿眼挹
寶巖之清泚羹煮膠牙隨水流觴剗苔對語漫比乳泉清冽何慙丹井甘溫
百丈名山喜名泉之可挹千年勝地得勝景之猶留恐湮沒於山陬遂雕鐫
於珉石爰爲之銘曰

崇巒氣轟峻嶺勢雄白雲高護玉液潛通未經九似先夢九童源流斯瀾綆
引不窮虎咆下流鶴舒上廠景泰右聯月溪左盪濬以仙源直方井養味比
淮澗吸同灑沆泉流汨汨山色蒼蒼粵秀其峙珠海其長茅不可塞奚有蕪
荒神哉此水永年無疆

海門草木蟲魚頌

有序

王潛剛

昔文通至閩而頌草木寄寫勞魂託悲身世後之覽者往往爲之刺骨心悲
掩卷太息也僕追隨宦轍久居海門書堂餘夏小園多春旣不蔽於峻山更
無阻於幽晦以視江子苦樂判矣顧處此八載未能一鳴開徑之望輒在千
里香草之思不及跬步近撫林壑動連物類異彼殷憂同茲感寓夫山中之
卉何妨惡馨海濱之物自孕靈寶東南之奇敢云盡此然受榮日月霜露遂
繁豈無自成其春秋者哉爰仿其體分別頌之叢蘆沙磧故多蟲魚則與閩
中又不同耳凡草木之類有四蟲魚之類有五

新沙低溼寄此柔枝遙憐心苦還悲素絲香山暮雨江漢新詞魂銷舊館禪

鉢誰攜

黃藥

鄰生茅棘性異申椒紫華紛敷金莖露搖一叢丹蕊便勝紅瑤

當秋未雨馨香自彫

桂

一碧萬頃對此蒼蒼攢叢礙路連株林塘人知樵水

壁想餘光涼哉白露伊人何方匪柳其質匪松其心孤幹百尺危綠成陰

西風不來鳳鳴有聲至今爨下誰聞焦音桐鱗介是名不淵不木睽睽向人

亦有小毒烈日當空蒸之露足牛溲之儔則惟厥殼蛇疑鱗疑甲是何變種

或曰算袋秦皇作俑腥臊滿身涕唾旋踵有墨半升沫飛浪湧烏賊淺水之

側隙泥萬千橫行之種其大如錢人影乍至如龜深淵吁嗟一車聚族而殲

蟹造物太奇而形之假溯所由生乃陰蟲也跳不能高復不能下短項怒

目爾胡爲者蛙此真海物瑩瑩玉膚總名曰蛤違曰方諸春風一吹便爲巢

居衆醜攘攘誰焉爾如蛤利

許先生誄

汪述祖

嗚呼賦稱窮鳥文人抱窘困之嗟食歎無魚游士作歸來之想類皆名場拓落等下第之唐衢知己寂寥泣窮途之阮籍未有名登鄉選困貧且甚於諸生交徧當途蹭蹬尤傷夫末路若我孝廉丈雲琴先生者先生鱗辰媚學綺歲扇華生通德之門稟遺經之教戴逵蚤歲能成北海之碑仁顯髫齡畢誦三都之賦年少推其若穎宿儒訝其宏通探秘閣之鴻篇三壁盡淮南之篋集送樓之駢句九張織仙女之機蜚英譽於膠庠舉秀才則屢膺首送擅賦才於滕閣當弱冠而早播才名固宜振翼天壇道聲雲閣而乃運丁陽九世值亂離白鴈興謠蒼鵝應兆揭竿煽虐疑草木之皆兵篋瓢碎茹慨樵蘇之弗爨段湛惟賣文自給朱詹乃吞紙充飢亦幾幾乎試太行之獲牧長垣之豕矣隸夫日月重光九野清泰詔選蘭臺之彥聿開鄉舉之科先生夙負高才遂登上選春明屢試夏課常溫歎巨眼之難逢亦壯懷之漸減於是屏居里閉葺宇家園鍵戶著書閉關卻掃訪蘿談桂廉泉讓水之間脫帽支筇秋

梓方教余一函論詩學關係之重無間中西多得余意中所欲言又自述其晚學之苦殷然就教其意良可欽感余情於西學然甚望研精西文算學之青年致力國學以挽回風氣維持絕業他日影響所被較之我輩之抱殘守缺殆不可以道里計也原函錄後

朝樑頓首師鄭先生大雅撰席仲秋讀復札稔知夏間寄詩辱在許與之列私幸何似又讀附來大啓論詩之旨多爲夙懷所欲陳反復誦數感嘆無已揚子雲曰言心聲也吾謂詩又言之有聲者也一國之詩積數千年之政教人情習尚激盪醞釀而成體制雖以代殊要歸於寫一國人心之哀樂美怨而哀樂美怨爲聲音笑貌之所從出則一國之詩一國聲音笑貌之所從寄識其人之聲音笑貌知有以規其人之志慮識一國之聲音笑貌則知一國之民風政俗孔子讀十二國之詩而考見其風尚之貞淫政事之得失殆以此也子孫之聲音笑貌往往肖似其先人而斷非他人所可效擬昔者壽陵

餘子學步於邯鄲三年不成匍匐而歸步尚不可學况聲音笑貌之微者乎
 又况一國聲音笑貌所寄寓流傳之詩人不能取之於我我又能取之於人
 乎今日橫序學子輒樂誦西國詩歌迺或被之管絃羣相誇重西文讀本詩
居其半習西
樂者必以能誦
西國詩歌為重舉漢魏樂府下逮唐宋人古詩可歌誦者彼率未知有聞是
 則終有類於壽陵之未得國能又失故行者已然彼微特不自知其失也見
 人或事吟詠則復譁然指目而笑以為大戾而方今縉紳先生隆齒望者又
 每不樂進少年而教之於文學之凋敝亦鮮以為意夫上無賢士大夫之導
 引而下有朋從流俗之沮尼則亦無惑乎今之致力於詩學者之不多見足
 下適獨奮起號召采輯 國朝人之詩弊弊焉為人所不為苟非高識遠度
 何以有此以朝標之愚闇怯爽比亦志意感發有文翰之徵吾知海內健者
 聞風興起來日必盛風雅或得所主持以不廢則足下之功豈在一世盛業
 不朽願自勉旃謹具徵翰啓文外寄楮料如干件千萬辱教並勞搜求念足

下留思文藝當必樂為應和也朝標比常困末疾作詩不多並附呈覽幸有
 以言其進退歲寒惟珍衛不宣朝標頓首

敬再疏者朝標幼小攻舉子業年十六入江南海軍學校治西文圖算者七
 年尋服役艦隊周歷南北洋者又二年以體弱苦風濤上書大府請脫軍籍
 往遊歐庠精究文學又以貲力不足求官家為助無有應者遲遲未能成行
 始併心壹意悉發古人書讀之不欲更事外求因執贄於義甯陳伯嚴先生
 之門稍稍習為詩歌文辭然年行已壯大又早衰不能勝思學之能成熟與
 否蓋難言之自恨努力不早悲來如何伏維師鄭先生有扶持國學之盛心
 必樂與人論文藝而勸其成特另伸紙為述其晚學之苦如此亦冀閱其志
 而教誨之幸甚幸甚鉛山胡朝樑又頓首拜疏

毛西垣永平道中七律六首 吳南屏作西垣墓誌

巴陵毛西垣孝廉貴銘天才俊拔有西垣詩鈔兩卷黔苗竹枝詞一百首長

沙王益吾祭酒師爲之刊行吳南屏與西垣生同里開最相友善既爲序其詩又誌其墓誌稱西垣爲詩早得於天而晚成愈高幼不甚喜言詩索閱之輒云無有嘗怪負天才如君而不肯盡意於文章及君年三十餘北遊京師五年乃歸手詩一册示余曰我詩何如諦視之則皆最後一年會試罷轉客京東之所爲詩盈百首恢奇沈雄高壯偉麗之作古今詩家之鉅觀莫不皆有又謂君遇名流才望聲氣傾一時心獨輕之不與多接客授徒四方常有賢主人能敬禮君願不肯一降意稍不愜即欲委去其狂如此

西垣詩鈔多客京東之作有永平道中七律六首爲時傳誦余於壬辰癸巳間從李仲約侍郎師輅車兩至永平覺途中風景與西垣遺詩所摹寫大略相同初無今昔之殊即此可見其詩筆之入神矣今錄如左溷陽遊寓已天涯况復奔忙走凍車客裏關河元不惜邊頭道里又添賒塵兼水氣蒸黃霧風作潮聲捲白沙到此始知窮塞惡男兒何事要離家 野店村莊似去波

長途短夢苦銷磨令支遠接祁連塞斛律愁爲敕勒歌日色祇如層紙薄車聲還比亂鴉多淒涼滿目增惆悵又是停鞭喚渡河 馬聲不定柝聲隱靜夜深闌醒未曾茅店有霜真似月野燐無焰錯疑燈三邊樹色森長戟一綫河流踏斷冰貪看沙場跨轅坐麻茶已是凍如蠅 南國詩人面目熬勁風吹得到遼西掉頭已覺東關近舉首真看北斗低大澤呼鷹寒雨落高臺擗鼓陣雲迷古來不盡紅羊劫付與荒鷄自在啼 平原何處哭英雄策策寒生萬馬風故壘可憐飛白雁孤城無恙抱盧龍慕容死戰威名在錫頓成擒霸業空防海祇今須將畧三屯誰是戚元戎 三屯營明戚少保繼光舊鎮 卑耳溪邊莫問津黃雲紫塞闌風塵陽山石破憐飛將孤竹城高弔逸民生怕窮途同洒淚即看衰草倍傷神百年吟煞渾無味不及橋頭爛醉人

某女士自題紅梅繡畫七絕

狄楚青 葆賢 秋星閣隨筆云往歲在吳門某裝池店見一幀子乃繡紅梅一

軸繡工精絕上題以七絕一首云絳雪紅霜壓樹斜綺窗纒着兩三花爲花
寫照爲花祝伴我清閑度歲華下跋云窗外紅梅方垂垂著花乃買絲爲花
寫生半月而繡成落英滿地矣下不署名惟圖章作娟字其押角圖章作猩
紅色曰心血一縷嗚呼不知出自誰家閨媛手也疊賤鈔句莫訪斯人則附
誌於此可耳

梁節庵戊申乞病紀恩詩 盛劍人和韻詩

梁節庵前輩清望雅才風骨峻拔早歲以劾合肥罷官嗣於庚子年由南皮
相國薦舉 簡授武昌府知府迭升鄂臬培材愛民擊奸鋤暴以通儒而爲
循吏其風格直追古人一孔之士或訝其狂或詆爲怪所謂焦鵬翔寥廓而
羅者視藪澤也戊申之秋上疏乞病所陳病狀皆爲內憂外患寫照藝林爭
傳誦之迨得請後作紀恩七律云多病光陰負罪身 天恩今許作閒人堂
堂千載蹉跎去了了餘生涕淚新草木力微安得療江湖心遠自相親衰年

者晉王昭時爲雍州牧舉夔應之帝拜晉王友煬帝嗣位歷太子洗馬後拜
鴻臚少卿則祖下缺名當爲夔也碑又云父儂隨尙輦直長按威傳威安撫
關中以其孫尙輦直長副威子夔亦爲關中簡黜大使一家三人俱使關右
三輔榮之惟入唐爲普州司功則史所不詳昱明經高第授右屯衛倉曹參
軍擢沛王府騎曹參軍遷絳州聞喜縣令鄉望老人等樹碑記其德政

龍門敬善寺石龕阿彌陀佛觀音大至二菩薩石像銘跋

此武后時宰相蘇味道所造宰相世系表味道之父直華州長史與此碑云
故華州長史騫公云云合味道入相在延載中像造於總章五年云有子同
州司戶參軍味道史稱味道舉進士累調咸陽尉而同州司戶之官不著可
以補唐書之闕撰文之孟利貞舊唐書文苑有傳

龍門西壁阿難像讚跋

碑凡三百餘字缺者八十餘字造像者爲奉義郎御史臺

下缺二字思蘊以文讚

之思蘊名而泐其姓又云圖其先考暨亡妣杜夫人供奉佛之左右其考之名亦不著撰文者為太子桂坊同字三撰崔懸黎撰新表南祖房許州治中君實子縣黎主爵員外郎又郎官石柱題名有司封員外崔懸黎唐龍朔中改司經局為桂坊其屬有司經大夫太子文學校書正字而無修撰若張昌齡之為北門修撰孫逖之為集賢院修撰皆非太子官屬至以他官兼史職者曰史館修撰其制起於天寶後此碑刊於總章元年七月字既泐缺不可臆定矣

大唐故左親衛裴君墓誌銘跋 咸亨四年

按碑云君諱可久字貞遠祖勸衛尉少卿邢州刺史翼城公父居業梁州都督府司馬攷唐書宰相世系表東眷裴氏鏡民子熙勸洛州長史子居業不著官位居業以下世系缺是勸即熙勸無疑其為衛尉少卿邢州刺史爵翼城公及居業之為梁州司馬可久之初補國子生轉左親衛皆足補表之闕

書攷居業為武后相居道嫡弟其時代亦合

許洛仁妻襄邑縣君宋氏墓誌跋

洛仁唐書附許世緒傳云錄功至冠軍大將軍永徽初卒贈代州都督與此誌題額合昭陵有許洛仁碑謂卒於神龍二年年八十五與唐書異此誌宋氏之卒亦不紀年但云春秋九十有九則宋之卒當又後於洛仁十餘年在武后中睿時故無一語及洛仁事史稱洛仁并州人昭陵碑稱洛仁博陵安喜人今宋氏稱定州安喜人安喜屬定州博陵郡足以補史之闕祖逸周開府僕同三司江州刺史永甯縣開國公父濤隋左千牛備身永州長史皆無傳不可考

大唐亡宮六品墓誌跋

碑不著姓氏惟云春秋六十以儀鳳四年十月二日葬於城西唐制內官寶林二十七人正六品又龍朔二年置衛仙六人正六品按儀鳳四年改元調

露是歲己卯以春秋六十推之當生於武德三年庚辰然則當爲太宗宮人也

唐濟度寺比丘尼法樂法師墓誌銘跋

碑云法師俗姓蕭氏父瑀梁新安王云云官位與史合法樂爲瑀之長女自幼出家史稱瑀好佛道太宗嘗賚繡佛像又請出家太宗手詔非之貶商州刺史蕭氏自梁武以來窮心釋氏宜其閨門之內覺侶攸鐘也

唐幽州范陽令楊府君夫人韋氏墓誌跋

夫人諱檀特字毘耶梨京兆杜陵人按婦人三字字如佛峪金剛會碑有女弟子清淨海蓮花藏如蓮花佛果圓觀自在唐國史補載韓晉公召經山望其狀貌不覺生敬及設食出妻子以拜之妻乃曰願乞一號經山曰功德山後聞自杭至潤婦人乞號皆曰功德山則毘耶梨亦竺氏之教所乞號也碑有云夫人魏太傅鄧襄公之曾孫周內史京兆尹河南公之孫隋尙衣奉御

舒國公之第二女按北史韋孝寬鄧國公諡襄長子總位京兆尹卒贈上大將軍追封河南郡公唐書宰相世系表總次子匡伯隋尙衣奉御舒國懿公是夫人孝寬曾孫總之孫匡伯之女也又云歸於隋尙書左丞國子祭酒宏農楊汪第五子幽州范陽令政本楊汪隋書有傳官位合其子姓史不著唐書世系表汪子僅一人令本官庫部郎中卽國忠曾祖政本爲汪第五子表亦失收可補歐史之闕

唐白鶴觀碑跋

白鶴觀碑撰人缺寰宇訪碑錄著錄云垂拱二年立誤也據文則觀創基於垂拱初中有應天皇帝陛下云云碑當立於神龍元年中宗復位後矣按碑有云垂拱二年長子縣宰朝散大夫高同營建基宇高公坐事去官不遑修復又云朝議郎行長子縣令鄭璠丞白貞諒主簿辛齊物尉王晟張瑜等以下皆頌美長官語按高同不見於史籍鄭璠官司勳員外左司金部郎中見

於郎官石柱題名碑則在開天之際此時猶縣令也朝議郎正六品縣令從六品階大於官故曰行文苑英華有鄭璠對獻賢能判辛齊物有對番官判王晟宰相世系表禮賓使長文子晟明經及第爲方慶五世孫時代不合恐非一人張瑜始興張氏仲灣子瑜不著歷官餘文中署名者十餘人皆道士下有與邑宰邵公云云不著名

襄陽張氏九墓誌跋

襄陽張氏墓誌有九一爲益州功曹元弼東之撰序李行廉銘則東之之父也一爲將仕郎敬之一爲處士景之一爲孝廉慶之皆不著撰人皆東之弟也一爲新定郡太守拙子回撰則東之姪也一爲秀士典兄愿撰一爲河南府參軍軫軫之誌有二一呂岩說撰一丁鳳撰一爲郟城縣丞孚姪縉撰皆東之孫也一爲穀城縣令曠堦崔歸美撰則東之曾孫也其見於唐書世系表者元弼而外僅軫與曠曠又誤作縉表於東之高祖曰宏策字真簡梁衛

雪後微添水春中尙衣裳衝船雙鷺去列岫一亭收細雨青苔意他鄉翠柳愁江湖應有屬隨事又淹留

攜酒菱湖亭上

二月春風陌上閒飄零尊酒又看山聞鶯未識誰家柳臨水難回少日顏寄傲羲皇陶令醉許身稷契杜陵孱古人志想無尋處空有遺文落世間清溪小飲

天涯尙有此清秋繼繼尊前共勝流無念百年聊一樂將銜微木有餘羞明波渺渺還停棹殘葉蕭蕭漸下樓獨向芳洲紉蕙蒞歲華淹忽悵靈修聽雨

欲涉微波賦楚詞風吹庭竹有參差人間萬事無尋處却在闌干聽雨時
白月

白月臨窗一愴神明朝鏡裏鬢毛新眼前欲語無騶卒心上相逢半故人長

夜漫漫安得且野花簇簇又生新養雞牧豕平生事那有流傳到此身
出都留別往還

淒然諸子賦臨歧折盡秋亭楊柳枝此日觚稜猶在眼今生犬馬竟無期白
雲迢遞心先往黃鵠飛騫世豈知蘭佩荷衣好將息思量都是負 恩時
偶書

范璿代胡銓邱濬洩王恕咄咄許怪事所言有根據澹庵古遺直愛友心不
污就令短書礪肝腸敵刀鋸瓊山中自燒結宦已成痼挫哉三原友疏憤可
以妒奚怪阿鳳永揚鞭奪先路毋徒詡文章剛腸一回顧
書憤

犬夷有意敢侵陵欲往縛蛟無此譽百口不諧非所懼四肢將放棄安懲
至尊憂憤收和議使相從容許歲繪一表草廬長未達本來澹靜臥龍能
沈二來訪山居因送之揚州

虞翻祠下惜分襟花放春山獨遠尋一第艱難親不待廿年啼笑我先瘖荒
厓訪古亡碑字野寺論兵感劍鐔明日鞭絲歌吹路蕭條寒水莫驚心

左文襄公祠下作

嫋嫋清涼山下有故侯祠入門先哽咽升堂想威儀昔來披襟言今來漉涕
悲何止禮數異所貴心相知漂搖十二載書生無一奇豈有天下才乃共癯
僧饑山林鼓角響如見雲中旂蒼茫不忍去礪落以陳詞

丁未十二月二十六日乞病紀恩一首

多病光陰負罪身天恩今許作閒人堂堂千載蹉跎去了了餘生涕淚新草
木力微安得療江湖心遠更相親 鼎芬以湖北臬司入 觀時蒙 衰年那有

酬知日歸種山田算一民

沈曾植

字子培浙江嘉興人光緒庚辰
進士官安徽提學使司提學使

冒巢民先生菊飲唱和詩卷為鶴亭郎中題用卷中後二首韻

閒居元自惜秋光賴遣朋尊對物芳病客支離還命酒神娥佳俠與添裝鬱
然懷抱向霜夜何處江湖安筆牀莫話古藤陰下事淚痕淒浥鵲綾香
客帆歷落雁鴻度噩夢荒涼露電如破壞火風非一相遑樂身世故無餘水
天閒話生何賴翰墨前緣記未疏珍重冒家詩卷子明年燕市要重書
再用冒巢民先生菊飲卷中前二首韻書感

誰分蠻左界僉荒歷歷開元偃月堂草奏文人有郤路揮金客舍駭原嘗蒼
茫青史千秋待顛倒黃巾一國狂直見關河徧戎馬可憐涕淚溢江鄉
棋局誰知幾道新依然切切又塵塵樵夫漫解談王道學地居然狎化人典
略九流須校錄詩書一卷未寒貧摩娑老眼留孱守海兩江風跡已陳
簡袁爽秋

竹堂不到幾旬餘想見焚香淨漑除禪誦有詩還謝客眼昏渾不廢鈔書酒
欄軟語春還寂物外真遊鑑共虛問訊偃松新月狀朝來步履更相於

浙西村人詩集題詞

此士不今有曠世一遇之炎天抱冰雪苦志娛文辭手作天馬馳心窮溟漲
窺不知人世短長意攀軒羲城南數閒屋日日哦清詩詩或能窮人人窮詩
愈奇陶陶卒歲樂戚戚童年悲悲樂兩無朕聲文起相持割然天叟解至樂
乃在茲我病拙細書薑牙未能抵但為鼠飲河滿腹忘其飢蒙闇不工言乃
知言者非商清雜變徵喻角疑非宜讀君千瓊琚引我無涯知移情成連操

榜舟海之湄

喻角句自注云譚君仲脩評大集有云談菘者以李西涯詩為宮聲此於五音當中清角云云

沈瑜慶

字愛滄福建侯官人光緒壬午舉人官江西布政使司布政使著有澗園詩集

朱將軍歌

并序

壬辰四月余管江南水師學堂值新甯尚書大閱禮成方盛服陪侍有蘇
韋跗注趨而過余則雲南鶴麗鎮總兵朱公洪章也歎曲傾吐立談未能
畢其詞並馬出城到龍脖子則豐碑屹立曾威毅伯為公紀所部四百人

同日死事之壘也正值忌日健兒具酒脯待公奠畢與余登鍾山絕頂指
示賊所築天寶城者拳石列坐下瞰形要遂縱所談公貴州鎮遠人益陽
文忠爲守時以親軍從殺賊文忠壯之隨下武漢無役不從文忠母壽諸
將畢賀公中酒爭坐傷其曹文忠辭焉密風曾文正收之遂隸曾部與畢
公金科攻吉安城文正以憂歸江撫滿洲某公挾糧台宿嫌斬餉促戰畢
毅所部皆楚將公以黔軍特立有危險事公任其衝以此知名威毅亦信
任之開龍脖子地道垂成而陷四百人無一全者公僅以身免二次地道
成威毅集諸將問誰當前鋒莫對公憤而出隊從火燄中躍衝缺口上賊
辟易以矛援所部肉薄蟻附而登諸將從之城復論功李公臣典於克城
之次日以傷殞威毅慰公以李列首公次之呈報安慶大營文正按官秩
敘先後公列第四故諸將有列封五等者公賞輕車都尉世職以提督記

名而已公謁威毅語不平威毅以韞刀授之曰奏名易次吾兄主之實幕
客李鴻裔所爲高下也盍刃之公笑而罷湘中王闔運成湘軍志乖曾氏
意威毅使東湖王定安改定之亦緣官書未改正公前事時承平日久公
感髀肉之生不能無失望於威毅因論其書至抵几而罵威毅雖優容之
新進排擠幾不能自全公慷慨爲余言余許爲文或詩訟之久之未就甲
午東海事定南皮公移節江南檄余總籌防事以將才爲問首以公應南
皮亦夙耳其名令募十營守吳淞在防各營統歸節制嗣移駐江浙連界
之金山衛修台築壘市廛不擾軍民肅然公久廢驟用又嘆嗜宿將同事
者輒訾議牽掣之使不得行其意未幾傷發歿於幕下南皮公屬余草疏
請卹於 朝遂得以所聞於公者略敘曲折得 旨賜諡建祠飾終典禮
皆其朔公可以掀髯於地下矣余因曩言不敢以負亡友迺賦詩紀之雲
霄張日庶無諾責

每飯意不忘鉅鹿眼前魏尚翻爲戮少年不自惜功勳垂老對人羨蒲穀蒼頭特起黔中黔太守益陽爲董沐潁川罵坐雄萬夫酒失豈堪棄心腹一爲楚將亦冠軍遷地爲良敢雌伏屯兵堅城勢欲紕連營百里乞轉蹙忽驚地道墮垂成四百兒郎糜血肉卽今豐碑龍脖子空使詩人歎同谷破敵收京誰第一再接再厲創垂復衝鋒讓前受賞同公等因人何碌碌當時大樹恥言功今夕灞陵還止宿文吏刀筆錯鑄鐵幕府文書罪罄竹誰知東海又傳箭嬰鑠據鞍更踟躕不侯枉自矜長臂再植何堪擬羣木飄零草疏詔陳陽鼙鼓聞聲思李牧白首忘年悵較遲奮筆成詩助張目行空甲馬如有聞我有長歌方當哭

哀餘皇并引

同治甲戌日本構臺灣番社先子奉 詔視師勒兵相持數月日人情見勢細願繳營壘軍械作價四十萬元就款言路騰謗以爲縱敵先子不

爲動師旋遵 旨復陳練兵籌餉製械儲材遊學持久六事請飭各省合籌每年四百萬金分解南北洋計日治海軍期以十年成三大枝彼時遊學者亦藝成而歸製船駕船不患無人矣又恐緩不及事聽四百萬儘解北洋先成一軍再謀南洋蓋處心積慮并日廉程猶恐失之嗣北洋徇言官之請擲海軍欸濟晉賑先子以爲大感奏請前款仍分解南北力疾遣學生出洋監造鎮遠定遠二鐵艦而先子疾遂不起易簣前夕命 諭 慶 就榻前口授遺疏先是日本夷琉球爲沖繩縣庶子王先謙疏請伐日本廷旨飭議未及復奏至是遂言天下事多壞於因循但糾因循之弊至於鹵莽則其禍更烈於因循日本自臺灣歸後君臣上下早作夜思其意安在不可謂非勅敵而我之船械軍實無改於前冒昧一試後悔方長願皇上以生安之質躬困勉之學所謂州來在吳猶在楚也滿入 廷旨促辦海軍合肥亦悟北洋海軍權輿於此而出使大臣李鳳苞請廢船政謂

製船不如買船而已私其居間之利後希 中旨者又擲海軍款辦頤和園工程甲申一挫甲午再挫統帥不能軍閩子弟從之死已殆盡無更番之代犄角之勢專一之權以至一蹶不可復振淮楚貴人居恒軒眉扼腕曰閩將不可用噫真閩將之不可用耶抑用閩將者之非其人耶繫繫國殤猶有鬼神此焉可誣而今日之淮楚何如乎是可哀矣吳公子光曰喪先王之乘舟豈惟光之罪衆亦有焉長歌當哭遂以哀餘皇命篇

城濮之兆報在邲會稽已作姑蘇地或思或縱勢則懸後事之師宜可記昔年東渡主伐謀嚴部高壘窮措置情見勢絀不戰屈轉以持重騰請議鐵船橫海不敢忘明恥教戰陳六事軍儲四百餉南北并力無功感甚瘁宋人告急警鞭長白面書生臣請試欲矯因循病鹵莽易簣諫書今在笥蓄艾遺言動九重謂經國家利後嗣誰知一舉罷珠厓東敗造舟無噍類行人之利致連檣將作大匠成虛位子弟河山盡國殤帥也不才以師棄即今淮楚尙冰

名憲集

己酉初秋 楚彥宗



題白桃花便面

新燕泥巢小桃開雪深掩重門幾折雕闌半池春水一樹
亭亭 月黃庭院冥冥正飛絮時光暮春淡墨衫兒鬱金
裙子獨坐調箏

淒涼犯

冬夜宿杭州林氏友梅堂寄陳季存家叔子

可憐天氣陰陰地寒雲盪得窗黑坐無聊賴待眠又怯布
衾如鐵誰家橫笛更聲聲做成淒切怎支持黃昏庭院衰
柳黯寒色 遙想梅花底窗孕燈紅簾涵烟碧詩成一笑
徧江邨漫天風雪應也懷人正載酒西湖獨客夢醒閒館

裏急雨打破葉

金縷曲

三月二十一日約李定伯

星 謨

蔣靄卿

坦

游西湖雨阻

不果倚聲解悶

庭院陰陰地更那堪輕烟細雨撩人愁思寒食清明都過了飛絮冥濛千里儘力做淒涼天氣我是傷春蘇玉局十年來嘗盡愁滋味者時節惱人意 六橋楊柳春烟裏有多少衣雲扇霧粉香脂膩芳草畫船桃葉槳蕩亂夕陽烟水旖旎殺湖山春事也要湔裙中冷路偏妬花風雨遲游騎把酒祝好開霽

高陽臺

湖上餞春

坐綠鶯慵銜紅蝶瘦時光過了清明在萼年華幾番醉裏
瞢騰六橋烟柳牽愁慣牽不叶住些子殘春任綠陰如水
忽忽蕩得無痕 湔裙拾翠湖南路有棟花開雪梅子成
陰無賴啼鶉鷦催歸去聲聲東風吹遠天涯夢倚闌干芳
草黃昏惱情懷千里斜陽花亂江城
金縷衣

春盡後二日泛舟至南湖興教禪院

柳絮飛殘矣惱閒情綠陰似水暗將春替中酒情懷無賴

甚况又落花天氣打雙槳來尋烟寺湖氣嵐光三百頃碧
濛濛亂潑烏篷底染襟袖滿寒翠 入門苔徑悒悒地占
城南一湖風月七分烟水庭院重來渾以昔只有人添憔悴
問鷗鷺可還儂憶當日少年今老大滿青衫濕遍江湖
淚潦落盡舊情味

消息

初夏詠新綠

春歸幾日做將漠漠沈沈如許陰逼燈涼濃圍窗暗院落
冥濛地篩烟嫩翠漬苔新綠等箇涼蟬來住夜深時賺他
燕子難覓殘花紅處 悒悒者樣如雲似夢蕩得簾波無
際人倚闌干滿身冷翠閒把瑤箏理月痕溶曳篆烟橫淡
兜起那時情緒回首處芳樹斜陽碧雲千里

浪淘沙

中秋月夜同叔子

池館鎖秋煙月上疏簾草蟲涼絮夜燈寒二十一回圓過
了又是今年 涼意滿松關跂足高眠青山無恙酒杯寬
攜手出門成一笑好箇江天

齊天樂

題蔣平伯韜光圖

芒屨來踏韜光路滿山亂潑空翠絮漬衣香花沾帽鬢好

箇清明天氣小樓人倚正窗孕江雲磬沈花雨殿角斜陽
濛濛松影漾幃戶 仙人丹竈何處贖薛泥苔壁月淘煙
洗萬竹篩煙羣山流翠雅稱先生風趣要移家住問紅樹
青山可還儂許話向東風倩閒鷗寄語

摸魚子

送陶海琴 良翰 游吳門

正江干蘆花飛雪漫天畫出離思西風吹瘦官河柳颯颯
蕭蕭如此君且住君不見寒煙衰草山無數送君此去算
越角吳根岸唇沙紫誰與共秋醉 離歌起月冷霜嚴天
氣淒涼最是羈旅銷魂嗚咽城頭角催發天涯行李留無

陰聊借三人航寫我五湖心燥吻甘止酒茗碗自酌斟清曠人語絕時逢禪
叢林煙際聞相呼三兩歸暝禽何必牛渚月已足愜素襟得享一舸間勝擁
千鎰金

謝公墩

謝傅功再造轉憂爲臣難桓筆急且哀一坐皆沈瀾詠詩效洛生擁鼻仍儒
酸山澤自本性亦以免憂患豈意菱蕙地千載爲公專後枕鍾阜樹前流北
郭泉僻有鹿跡雜靜聞田水喧景物甚寥寂自取碩人寬寄興在象外一拳
同東山來爭無味名猶是介甫賢何人惜古意築室加藩援善保此部莫勿
使犁爲田

雞鳴寺

余以金施寺僧闢寺後經堂
爲樓遂爲金陵勝地之冠

雨暗覆舟山泉響雞鳴埭埭流南朝水僧住南朝寺當時造宮城選此陵阿
地朝市皆下臨江山充環衛白門遊冶子杳拖無生氣心醉秦淮南不踏鍾

山背一朝開僧樓雄秀發其秘城外湖皓白湖外山蒼翠南岸山如馬飲江
駐鞍轡北岸山如屏縈青與天際鷺洲沙出沒浦口塔標識煙中萬樓臺渺
若蟻垤細亦有杜老憂今朝豁蒙蔽

瞻園

本徐中山園今
在布政司署

去年入瞻園水涸不盈尺殘梅如病疴步步生草棘山林有重遊相隔幾何
日攢蹙寸楮畫展作尋丈壁充悅盜百卉苔潤新陰碧邱壑涌奇詭尋路忘
曾歷虛堂久局縮一旦波照席佳處添茅茨愛之坐忘夕屋烏與餘胥非關
好惡辟物態由抉發兼遇興會集傳舍何足云滄桑亦過隙不為大功哀豈
代青君惜達哉張全義不理平泉石主人觀靜妙開縣李雨亭官布政使時題曰靜妙堂俯仰
掃陳迹

翠微亭

即南唐
碧風亭

明光曳地來長如一匹練不登石頭城幾疑天暫誕邱垤齊斂避形勢頓涌

現是日積雨晴千里無陰闇夕陽生金采青綠染郊甸尺樹藏百村片嵐連
數縣南北交映發不為洲渚間姑孰及朱方左右一顧盼保大雖孱王此亭
江表冠涼風掃盛暑夜夜金輿玩霸圖偶起滅山川長絢爛窮蛙食井泥安
有超世見欲攬大瀛環凌虛思羽翰江神傲河伯醯雞兩足歎遠略我所乏
老朽頗自厭登高或能賦含毫窮汗漫

燕子磯

洶洶黃天蕩空曠如巨池舟行無幟志遠指江干磯巖骨蒙苔蘚舒翼昂領
頤翩然來下浴斗入青琉璃南北此要津日有千帆飛喜其無障礙登者輒
賦詩豈知白鷺洲駸駸能東移古渡多改變迥異梁陳隋伐荻如伐木取充
州軍資青青雖可悅大觀為蔽虧蕃舶運尻輪外水晝夜馳內水頓淺狹竹
塢連秧畦陽侯呈靈怪沙禽眠不知昔傳裘司空水神此地尸表文達為燕
子磯水神今
祠內木
主尚存巖巖臨溝澮威福將安施既失搏水險遂減翔風奇利害每相因世

事皆如斯楚然來好事路壞亭孤危仰讀設險句感歎南巡碑

碑上乾隆御題詩有設

險語俯瞰鹽舸商誰解題好辭此草藪夾內夾江惟鹽冥雲送客散滿山號畫

眉嶺下多畫眉皆巢石罅內

金陵雜詩

兵力無如劉宋強勵精政事數蕭梁何因不享百千祚

叢蘆無主魯公池斷壁難尋武惠祠功德無憑憑富貴中山處處有園基土人

謂布政司園糧道園南至胡園東至張靖逆侯園皆徐中山園址

荒陵野水尚西流朱雀橋邊繫葑舟莫道南朝無可念求書今少大航頭

太白南遊意可傷吳宮泯滅國山荒雪讒自寫浮雲感豈為登臺弔鳳皇

孟老錄中思汴臺達摩曲裏鄴城灰世間少有蘭成賦便覺江南最可哀

宰相荒嬉夜宴闌保儀新拜掌書官春風一半殘桃李獨有潘郎忍淚看

北橫天塹雪濤吞東擁鍾山翠壁捫堪笑謂之無遠致賞心偏在水西門丁韻

所作賞心亭在今水西門

老借瞿聃作退藏蔣山驢背舊平章惠卿雖敗惇京壽法乳絲延送靖康

相公開闔待中樞公子南軒闢敬夫百萬椿錢支破盡靈虹果有岳韓無張浚

開府建康時張敬夫在保甯寺方丈讀書號其室為南軒南軒之稱由此始也

耽隱周雷不可攀棲霞訪古長卿閒明賢專翫板橋水讓與貧僧住攝山

媒鬻開場隴麥肥君王射雉撒重圍祇今游戲無生氣江上蒼兒獵騎歸

句曲陽明洞裏天館壇殘刻渺荒煙挂冠神武時賢少不訪三茅已是仙

景宗何如霍去病慶之無愧張子房誰道江東詩綺靡如聞敕勒見牛羊

秘種傳來自海涯雞雍為帝亦堪嗟牡丹芍藥舊王謝一尺妖紅月季花

金陵

諸利清涼寺為最餘無取

秣陵遊客慣騎驢今日全家挽鹿車拈出維新一公案請參利病究何如

過張繩菴宅

廿年奇氣伏菰蘆虎豹當關氣勢粗知有衛公精爽在可能示夢傲令狐

過蕪湖弔袁漚移

七國連兵共叩關知君却敵補青天千秋人痛鬼家令曾為君王策萬全

民言吳守治無雙士道文翁教此邦白叟青衿各私祭年年萬淚咽中江士民

祠之於中江書院

鳧雁江湖老不材百年世事不勝哀蓋公堂下青青樹曾見傳杯讀畫來湖蕪

道署中漚移用宋人蕪湖故事作避舍蓋公堂丙申二月余還武昌過蕪湖漚移留余及幕僚賓客談譚竟日

讀宋史

南人不相宋家傳自詡津橋警杜鵑辛苦李綱虞允文文天祥陸秀夫輩追

隨寒日到虞淵李綱閩人虞蜀人文吉水人陸楚州人皆南人

惜春

老去忘情百不思愁眉獨為惜花時
闌前火急張油幕明日陰晴未可知

石遺室師友詩錄卷一畢

芙蓉莊紅
豆錄

泗墨山房主人署



芙蓉莊紅豆錄

昭文徐兆璋輯

(支溪小志卷四往蹟志二第宅園林)芙蓉莊一名碧梧紅豆莊在古湫濱西雲和令顧松菴公別墅小橋流水曲折幽勝有右丞藍田輞川風景周遭可里許繞池植芙蓉數百翠葉紅葩掩映水際莊之取名以此松菴孫東江嘗移閩中荔枝植於莊上側生纍纍沈石田文衡山爲賦新荔篇焉又有紅豆一本大可合抱贈君孫曲江耿光所植與碧梧相錯故又爲碧梧紅豆莊錢牧齋儼居其地十餘年名紅豆莊錢歿仍歸顧莊與草堂遺址相屬今久廢而莊前白石平橋堅好如故其兩門鐫杜句者僅存一焉 按莊始於天順間爲松菴公所構其後休菴東江一江曲江漸斥而大凡歷五世更二名始歸錢氏錢氏居未久仍歸顧庾信依宋玉之居相如還趙氏之璧中間鳩踞只十餘年耳王柳南隨筆中嘗辨之未能詳也邑志直云錢氏所創失考

其矣

(柳南隨筆卷五)芙蓉莊在吾邑小東門外去縣治三十里白茆顧氏別業也錢尚書爲憲副臺卿公外孫故其地後歸尚書莊有紅豆樹又名紅豆莊樹大合抱數十年一花其色白結實如皂莢子赤如櫻桃順治辛丑是花盛開邑中名士咸賦詩紀事至康熙癸酉再花結實數斗村人競取之時莊已久毀惟樹存野田中耳今樹亦半枯每歲發一枝訖無定向聞之土人所向之處稻輒歉收亦可怪也唐詩紅豆生南國又云紅豆啄餘鸚鵡粒未知卽此種否俟再考之

按松菴名立字成夫以從事起家官至雲和縣知縣臺卿名玉柱嘉靖壬辰進士官至山東按察司副使所謂一江公也一江父湘號東江仲子耿光號曲江顧氏世系可考者如此

(支溪小志卷四往蹟志二第宅園林)胎仙閣在芙蓉莊前人有胎仙閣紅

豆花詩

(有學集卷十一紅豆三集)遵王敕先共賦胎仙閣看紅豆花詩吟歎之餘走筆屬和八首 草木爲兵記歲華平泉花木盡泥沙未應野老籬前樹湧出金輪別種花 花房交絡帶香纓竊白輕黃暈不成記取中央花藏處流丹一點自分明 寂歷香塵界畫簾小闌縹几供香嚴笑他紅豆閒桃李都與兒郎插帽簷 紅豆春深放幾枝花神作意洗妝遲應知十二箋注本按 年渲染只待催花數首詩 香海花依小劫賒也將花劫算箋注本按 沙夜摩天上人應笑誰放人間頃刻花金 尊檀板落花天樂府新翻紅豆篇取次江南好風景莫教腸斷李龜年 老去羞花懶賦詩拚將才盡爲人嗤車箋注本 中大有司花女愁絕吟紅閣筆時 卻恐明年花信遲都將好句定花期春工解道能雕刻一瓣應標一句詩

按蒙叟此詩作於辛丑爲順治十八年遵王名曾蒙叟族子陸敕先名貽

典著有元要齋集漸于集遵王詩附見有學集中救先詩見支溪小志祇錄存一首

(有學集詩注卷十一紅豆三集)錢曾紅豆樹二十年不花今年夏五忽放數枝收翁先生折供胎仙閣邀予同賞飲以仙酒酒酣命賦詩援筆作斷句八首 白檀濃炷綠雲叢最愛當心一縷紅應是花神高品格不隨桃李嫁春風 弄雪攀枝未足誇胎仙閣上即仙家誰言廿四橋邊月偏照揚州玉藥花 奇種應栽忉利天香雲湧出玉生煙滄桑歲月何須記一度花開二十年 天寶繁華迹已陳淒涼往事欲沾巾秋風南國多愁思腸斷當筵唱曲人 燭夜花傾瑞露濃仙人庀酒有奇功憑將紅豆新開藥添入修羅釀法中 好風吹夢落塵寰羣玉山頭覓往還八百樵陽有名記琪花先許到人間 書樓簾額夕陽斜密葉層枝曲曲遮衣錦城中春萬樹光風久已屬吾家 天酒三杯花一枝情騰暫作有情痴後時結得相思子報與金籠鸚

雜知

(支溪小志卷六藝文志詩)陸貽典教紅豆花詩和韻 花前今昔事難陳不飲真牽頭上巾試問湘潭歌一曲相思至竟爲何人

(馮班鈍吟集卷中)和牧翁紅豆花詩八首 廿載方看白玉叢人間桃李幾回空何因結得相思子應爲當心一縷紅 洞府春秋世不知濃香淡色發來遲莫言滄海揚塵日只是仙人罷弈時 香粉生光月影微分明玉女瞰窗扉侍兒應待珊瑚實擬向金籠打雪衣 方丈蕭蕭翠影遮隨緣說法住毘邪默然不語支頤坐香散天風一樹花 摘得仙花似粉姿更看綠葉似仙衣香風一陣前庭起三素雲中玉女歸 雞犬桑麻共幾家仙村不合種凡花漁舟若向當時見枉煞溪邊兩岸霞 遼鶴休言世事非一枝重見雪霏微無緣夢裏成蝴蝶長向花間冉冉飛 容易非時不肯開人間地薄偶能栽但令斟雉人常在堪向花莊醉幾迴

(有學集卷十一紅豆三集)紅豆樹二十年復花九月賤降時結子纔一顆
河東君遣僮探枝得之老夫欲不誇爲己瑞其可得乎重賦十絕句更乞同
人和之 院落秋風正颯然一枝紅豆報鮮妍夏梨弱棗尋常果此物真堪
薦壽筵 春深紅豆數花開結子經秋只一枚王母仙桃餘七顆爭教曼倩
不偷來 二十年來綻一枝人間都道子生遲可應滄海揚塵日還記仙家
下種時 秋來一顆寄相思葉落深宮正此時舞輟歌移人既醉停觴偏唱
右丞詞 朱囁啣來赤日光苞從鵲火度離方寢園應並朱櫻獻玉座休悲
道路長 千葩萬藥業風凋一捏箋注本 作捻猩紅點樹梢應是天街濃雨露萬
年枝上不曾銷 齋閣燃燈佛日開丹霞絳雪壓枝催便將紅豆與雲供坐
看南荒地脈迴 炎微黃圖自討尋日南花果重南金書生窮眼疑盧橘不
信相如賦上林 旭日平臨七寶闌一枝的皜殷流丹上林重記虞淵簿莫
作南方草木看 紅藥闌干覆草萊金盤火齊抱枝開故應五百年前樹曾

小三吾亭詞話卷四

如皋冒廣生鶴亭纂

光緒甲午余年二十舉賢書出瑞安黃叔頌編脩師門下師因以女妻之爲
之蹇脩者則房考會稽王履安大令師也婦嘗爲余誦其大父白香先生體
立詞南唐之骨北宋之神殆兼之矣先生爲漱蘭侍郎難兄有二陸雙丁之
目以進士官刑部浮沈僚底未展驥足可惜也滿庭芳云三月春深廿年夢
遠舊游記得分明瑤鬢雙髻攜手曲廊行處處鴛簫粥鼓立花陰呢聽春聲
羸人說鴛鴦珍偶生小便痴情 如今回首處魂銷別鵠腸斷流鶯犀簾彈
淚雨玉碎珠零冷落紙錢飛蝶牘棠梨花影冥冥知誰把天涯愁恨醉酒訴
伊聽月底脩簫譜云燕子樓獨兒巷西畔迴欄曲小影驚鴻雪映絳紗燭愛
伊六幅裙移鞋幫紅窄襪醉壓暖雲嬌玉 春寒足恁般心字香燒銀甲撥
簾局臨別忽忽圓夢甚時續商量菱角持笙桃根打槳更花下共斟濃醪賣
花聲云榴火照星星香滿中庭夜深微雨酒初醒抹取花心春一點恁樣多

情 弱葉倚燈屏翠英秋馨垂絲碎約暮煙冥擬把青棠千萬本愁徧愁城
 采桑子云那時鸚鵡簾前喚春冷梨花手弄琵琶親見盈盈舞絳紗 如今
 竟作西飛燕隔著天涯風月誰家淚落梅邊萼綠華唐多令云花底賺劉郎
 琴邊謔窈娘脆鶯聲亂點釵梁編令愁人聽不得唱一曲舊伊涼 同夢妬
 鴛鴦天星盼角張恨斜暉不繫垂楊著意替脩眉子黛待歸去細思量
 黃仲弢提學 紹箕 爲尙香刑部猶子漱蘭侍郎子殫心金石目錄之學在
 國朝人中似錢曉微其著述多未寫定 故事 國史館儒林列傳必臚列其
 人生平 譚述始克奏准而文禮堂未
 不可蹤跡矣 近日車一山檢討王書衡推丞
 陳石遺學部曾謀許文遺著 尙憶其齊天樂一闕前有小序
 云王幼遐給諫假余所藏舊鈔宋元詞輯刻見詒賦此東之彭文勤藏汲古
 鈔宋未刻詞見知聖道齋讀書跋尾余藏本行款悉合蓋出一源彭跋又云
 合李西涯輯南詞一部又宋元人小詞一部於已刻六十家外得六十二種

安得好事者續鐫後集云云幼遐所刊適得其半他日當相助訪求繫之篇
 終以當息壤詞云絳雲消歇金風謝虞山秘儲星散漁笛腔邊樵歌譜外花
 草飄零無算春回雪案忽雙白仙人笑呼儔伴擬爲君圖烏絲紅燭校詞館
 平生耽玩古翰苦刪除綺語編被情絆梁夢留淒荷心卷悴幻出玉鐫金
 燦風騷一瓣料詞容英靈未應枯爛劍合他年補南昌一半此詞無一字無
 來歷鳳毛麟角不待識者亦知寶貴矣
 往余游福州從傅節子太守得識閩中兩先輩一日林穎叔方伯 壽 一日
 謝枚如舍人 章 各承以大集見詒方伯所著有詩無詞舍人則有文有詩
 有詞有詞話 林集名黃鵠山人謝集名
 賭棋山莊惟詞名酒邊詞 其詞序自云嘗登峻嶺臨溪而坐亂
 松怒號幽蟲自咽奔泉向東作虎嘯村歌數聲起於隔岸風徐徐送入耳恍
 然若有感觸故其發聲天籟爲多友壽民聞學爲舍人私淑弟子服膺尤
 摯嘗得舍人賭棋山莊雜記十二巨册欲爲殺青以傳甚盛事也錄其虞美

人詞云一灣流水山如霧迷卻相思路池臺盡處草萋萋人在寒蛩聲裏向
風啼孤燈照眼都成淚還恐伊憔悴錦衾繡枕不成情獨倚危樓看月到
天明珍珠簾云牽牛花發秋深處數佳期恰向銀河西去歷劫到神仙尙不
忘兒女此際嫦娥應有恨恨難得團圓如汝何苦又織起離愁一天風雨
當日酒榼詩筒倚瓜筵乞巧幾番歌舞含醉拜雙星結有情儔侶犢鼻空懸
人已往莽關山相思何許河鼓爲寄語歸來鵲橋留與清平樂云羅衾六幅
雙枕屏山曲悄立風前眉暗蹙一點銀燈猶綠水晶簾下晨粧遠山自愛
纖長回首嫣然一笑拈花却喚檀郎喝火令云夢好原無據愁多夜屢醒對
人無賴遠山青最是酒闌燈炮小膽怯淒清河漢三千里更籌二五聲幾
番憔悴可憐生爲汝焚香爲汝寫心經爲汝素來多病減算祝雙星謁金門
云風漸暖花下春忙人懶無數綠陰吹欲滿流鶯渾不管疊疊梧桐似織
罽碧紗窗易晚昨夜夢中雙鬢短閒愁思酒盞賜莎行云黯黯是煙濛濛是

絮桐陰潤到無人處溼雲破碎不歸山夕陽鴉背天酸楚何夢樓臺何聲
簫鼓一池春水魚兒舞闌干十二倚黃昏迴腸忍盡傷心語臺城路云春風
漸醒繁華夢濃陰亂吹成陣飛絮纔停游絲又織懊惱啼鶯聲際樓頭雲凝
指一角斜陽模糊欲盡滿地燕泥疎簾無影小窗靜朦朧心緒莫訴眼前
還黯黯淒絕三徑淡處難描愁邊易暝中有多情人病闌干誰凭便踏徧苔
痕落紅怎認一樣銷魂短衫青更甚珍珠簾云小山都做傷春色况單寒簾
幕尖風惻惻落葉爾何心偏亂飛庭側香魂應有歸來日只扶上枝頭難得
頃刻已消盡脂痕瑣窗漸黑塵世多少空花便各自繁華百年奚極幻夢
不須陳但歸真太逼平生久慣飄零恨管此後轉蓬南北誰識剩瘦影中間
愁陰如織南浦云翦風吹處正春江水滿又孤行無數鴻泥池館歷歷灌嬰
城莫說銷磨雙鬢只當時同調已晨星便論文煮酒檢書燒燭倚權不勝情
况復魚龍變幻問蓬山留一任潮痕吞吐如送復如迎五老料

應頭白聽鷓鴣聲裏子規聲望月來雲破好花弄影慰凋零集中百字令八
闋聲情激越絕似迦陵滿江紅諸作舍人詞豪放是其本色不悉登也

嘉興張韻梅大令景祁亦閩中舊識嘗爲余賦斧鏡詩兩時而畢仲脩謂其

屈承明之著作走海國之鞞板不無黃鐘瓦缶之傷綺聲日富規制益高殿
殿乎北宋之壇宇詞非過譽余亦云然所著有新舊詞高陽臺云月苦啼鵲
堂空去燕斷腸人正悲秋素柰橫簪雲鬢無限清愁花陰暗怯金鈴報訴心
情鷓鴣前頭待句留江渚潮生莫放行舟 天涯豈料驚風鶴念綠楊城郭
違賦離憂鏡檻琴臺黯然一別妝樓玉谿底事添惆悵又無端錦瑟成謳綺
窗幽涼雨瀟瀟怕上簾鉤八歸云煙寒鷺激燈昏魚寨闌夜戍鼓未歇朱樓
已隔蓬山遠休問翠尊銷黯玉笙淒切尙憶垂虹秋色好倚畫檻鑪香同撥
頓忘卻客裏行舟不住喚啼鴉 誰念江鄉歲晚淹留無計一笛離亭催別
赤闌橋外那時來路落盡蘆花楓葉縱凌波賦就何處芳塵夢羅襪君知否

慣看雲空繫去年思體中時復相牽掣罪過平生頗自疑坐雨云不成兀坐
卽枯株記憶童心百可娛老去還爲詩撲滿客來能辦鴨胡盧風中樹鞞差
宜繫雨裏花癡正要扶惟有病軀太聞健午鐘入耳斷招呼又絕句云莫問
人間是與非此身雖在已忘機空山流水何年月止見梅花滿地飛類皆熟
極而流自入佳境讀樂天詩云大年畢竟歸和厚如此蕭疏一向疑又云還
依白居易多作寫懷詩可以覘其趨嚮矣

吳定橋春曉紀事詩云翡翠塵消蔓草荒牡丹臺下舊埋香春風掃去藤蕪

迹陽斷花間瓊瓊孃所謂瓊瓊孃者不知是何時人近見歙縣吳退旂大司
農補有百妾主人牡丹臺下瓊瓊孃墓詩四首備志于下墓門何處覓金匙
悵望荒園憶愴而芳艸池塘無斷碣夕陽雲外有羈雌漫云冷骨同鷄肋猶
幸嘉名似豹皮不是鼠姑春爛熳誰從磧礫認摩尼隔世徒驚歲月道風光
可似昔年不尙餘繡戶鴛鴦瓦不見朱輪玳瑁牛白墮三更傳玉盞烏號九

石試金鏃一般憑弔蒼涼處憶煞弓鞬蹴錦兜松化虬龍竹化蛭曲瓊風外聽東丁人間枉重貞孃墓地下長埋織女星遼鶴曾來遊月榭彩鸞應去侍雲耕白楊遺塚今何在弔客翻無過客經苔痕深綠筍如槍桂酒椒漿孰莫將粉黛成灰情未死名花掩穴骨先僵佳城幸免風兼雨異代空嗟謝與王二百年來多少恨繁華回首涕盈眶

梅花詩最難出色戴浴梅敬輿近寄梅花詩十首余但取枝枝交影臥牆陰彈到花開月滿琴二語差較清新其餘均不能出林和靖高季迪之範圍故不如閣筆之爲愈也

庚子之亂京垣受慘慶博如珍有北風集紀事節錄數首 九重煙火燭天紅西幸塵勞念 聖躬最是傷心秋柳上蟬隨人語咽金風傳說雙旌夜半遺守城曾記是專司可知辜負黃麻詔 天殿飛龍賜與騎顛沛流離乞丐看天神香說起兵團一頓餅餌雙行淚身是中朝五品官秋風秋雨最銷

魂煙樹迷離得勝門一自狂風郊外過幾家雞犬不成村又避地村南卽事云犬吠撲棗香人喧穫麥場蟬聲多在樹蟲語半依牆慘澹秋千里蕭疎柳萬行昂頭看征鴈西去過咸陽他如日陰鷄長齋天暖馬生瘡古寺樹多常抱水柴門墻短不遮山皆可誦也

宋真宗問近臣唐酒價幾何莫能對丁晉公獨曰斗值三百上問何以知之對曰臣讀杜詩速須相就飲一斗恰有三百青銅錢上稱善明思宗問羣臣買物言東西而不言南北何也周延儒對曰南方火北方水昏暮叩人之門戶無弗與者此不待交易故止言買東西上亦稱善二對警敏相似詩有五宜不巧而敏不露而隱不貪而謹不滯而緊不呆而穩有五病似簡而拘似嚴而枯似澹而疏似闊而麤似博而膚

人難言者我易言之人多言者我少言之姜白石之語也甯拙毋巧甯朴毋華甯粗毋弱甯僻毋俗陳去非之語也以眼看定以手指定以意揣定以神

集或圖書公司印
注以字鑄定然後成詩王薑齊之語也人人稱好一人稱不好此一人可畏人人稱不好一人稱好此一人可恃當以識見爲主不以毀譽爲憑徐而庵之語也作詩者當各銘一通置之座右

作詩以製題爲要題不好雖有佳詩終不入大家之選方六嶽爲余刪詩悉塗去秋菱秋蓮秋芡諸作謂詩非不可取試看古大家集中幾人有此題目否余深服其言今見某僮父有含英集詩三百首皆問梅探菊培蘭養竹諸題屬余代定余曰我不能定大稿惟六嶽能之問何以故余取六嶽所代刪諸詩示之其人索然袖稿而去

國初江都蔣前民易有石閭集專作五律摘其警拔之句石根衝雨斷松節到天枯萬里歸茅屋孤燈戀瓦盆積水浮高眼悲風作大聲大江行曲折落日望參差江雲平楚岸風葉減吳霜晴日江光凜秋星殺氣躡人煙殘大漠獵馬散黃昏山青人病起潮滿夕陽斜夕磬見孤坐秋濤聞著書到家營大

葬何處問中原皆伊鬱沉雄似杜集得意之句前民家本富以江濱腴田數千畝一旦陷沒而仍輸賦數十年以至窮困故詩多哀怨之音集中與杜茶村唱和極多有只有西山餓曾無北海歸漢臘何天地山廚飽蕨薇贈杜等語想見逸老流風白衣韻致矣

有人誦王文敏公懿榮詩二聯霜含白日層冰厚天入黃河朔氣低芳草綠于千里外早梅寒似少年時氣骨稜厲似其爲人公自庚子殉節後詩文不多見書法絕佳有得其一鱗一爪者恆珍若拱璧朱芷青藻題所輯公之來札云一朝缺折等干將鐵畫猶傳勁直腸泛此嘉名增世重不同松雪與香光持論甚當

芷青出守佛岡著佛岡宦轍詩一卷較汴遊冰玉集差勝作詩不可無江山助誠然沙口云揚帆出沙口微爽趁初陽雲影羃山黑江流穿岸黃水牛方共浴溪鳥自孤翔瞥眼長隄上農夫赤脚忙三江墟會操云小隊出郊垌材

官列廣庭山無盤馬路水有斷虹形旗影明朝日槍聲震遠邊邊城多傑士
猶奉古陰經推衙云婦孺爭看靜少諱府官今日大排衙登場始悟身如戲
置榻聊將客當家幾隊旌旂揚似隼頻番鼓吹鬧于蛙無多緝竹編茅戶可
許公庭請鼠牙又警句如墟遠全無市山寒間有花綠野尸蠻觸青山窟虎
豺水因漱石沙俱潔地爲多山風始寒溪山複杳三千尺鄉堡廻環十九區
寫蠻鄉風物如使人身至其地又戲詠多蚊云漫道天駒不敢嘗玉梅花底
噉人忙嚴冬一樣昏成市商務由來盛此方語含諷刺令人失笑

葉石梁上舍^琪有句云同是道旁一尊酒重來人已倦吟詩與查初白香路
頻經漸少詩相似王鴈樓布衣有句云小女睡酣新月上墮將團扇壓金釵
亦自陸放翁欲睡手中書半墮句偷來

近人有絕句一首題爲借某某登某亭所借者皆有官稱多至三十餘人余
曰詩只二十八字一人分一字尙餘數人此詩可謂矜貴之極黃半痴在坐

往之事不必挂懷(貼)意難忘(合)惟願取不生不滅咱和你永成雙

(生)船家前面是那里了(丑)差弗多到了平山堂哉(生)嗶你這船家敢是作夢
麼(丑)啐青天白日僭人作夢介(生)既不是作夢此地那里有甚麼平山堂平山
堂是揚州嘍(丑笑介)大爺到拉里說夢話哉吉里到弗是揚州是僭場化(生沉
吟介)哦原來此地竟是揚州(丑)那說弗是平山堂已經拉里面前哉(貼)老爺
我們登高一望如何(生)妙呀船家就此彎船我要上去遊玩(丑)呖是哉(生扶
貼上立高處介)(丑)大爺要早點回頭嘍(搖頭下)(貼)那一帶白茫茫的是那
里呀(生)

(前腔)一派好江光(指介)望金山是故鄉(貼)是好一片江光山色也(生)
扁舟早晚和伊往佩娘隨大婦肩行領姊妹班行還要你承歡莫帶愁模樣
(貼)這個奴家曉得但不知幾時便可回去(生)我因未奉嚴命不敢自專待我明日
先回將此情婉轉稟知諒無不允(貼)只恐夫人見怪如何(生笑介)不妨且放寬

賜(合)惟願取不生不滅咱和你永成雙

(末扮長班上)舊令忽成新令官場本是戲場老爺在上小人叩頭(生)你是那里來的(末)小人是長班昨日本縣太爺奉到部文老爺新選山東催促赴任特來叩喜(生)原來我復任山東了(末)啓上老爺太老爺因部限緊急不便稽延現已帶同夫人等先赴清江等候着小人稟知老爺即速起程前往相會(生)如此速備轎馬伺候(末)啟老爺轎馬齊備(生)就此起行(衆上)(生乘馬貼乘車行介)(合)(鶯族一金羅)一霎好風光頓教人喜氣揚(內)老爺請住馬(末)你們是甚麼樣人(內)我等乃山東人役來接老爺赴任的(末)住着啟上老爺現有山東來的人役在此伺候(生)即着他們引導緩緩前行(末)嘎哇開導(衆上)(合)香車寶馬相依傍一路兒蹴踏的芳塵漾別維揚赴袁江(末)啟老爺來此已是清江驛離太老爺的船隻不遠了(生)吩咐住馬(末)哇住馬(衆應下)(貼)老爺我記得春初分袂頗難爲懷那知轉瞬之間重來此地(生)這正是聚散無常人生如夢耳

(外小生扮院子小且丑扮丫鬟上)一點官星明額角十分春色上眉尖老爺在上院子丫鬟們叩頭(生)起來講(院)小人們奉太老爺之命說今朝乃黃道吉日就命老爺與新娘上頭明日早晨相見(生喜起立介)哈哈這也可喜(貼背喜介)謝天地(鬟)婢子們奉夫人之命送衫裙簪珥到來與新姨添妝(生)妙嘎院子傳話外廂着鼓樂人伺候(院照傳介)(生)丫鬟們速取鏡臺衣服過來與新姨整妝者(鬟)是請新姨整妝(貼)有勞了(鬟)嘖嘖是好一位新姨(生看笑介)哈哈佩娘我說的話如何(貼)主恩高厚妾復何言(低唱介)但盼到得而今死合當但消受得而今死也不忘(吹打更衣生換袍帶貼紅衫豔妝介)(衆合)暢好是烏紗輝映金釵翠瑤隨青袍招颺銖衣繡裳(貼)便妝成敢學夫人樣


老爺在上受賤妾一拜(生)(不消貼拜生答揖介)佩娘你也坐了(貼)是(院)院子們叩見老爺二夫人(生)起去(鬟)丫鬟們叩見老爺二夫人(貼)不勞(院)啟老爺外面各色人等俱要進來叩賀請老爺示下(生)轎馬鼓樂人等外廂酒飯其

餘分班進見(院照傳介)(衆門子書辦分次叩見介)(生)起過一旁改日領賞
(衆)嘎(生)看酒來(貼)待賤妾把盞(定席介)(合)

(簇御林)羞花貌賽月龐女兒身乍換妝人間今夕真天上合歡是金波釀
夜初長畫屏靜俏銀燭度秋光

(生貼起更衣入席介)(生)迴避(衆應下)(生)丫鬟斟酒來嘎佩娘我和你半載
定情一宵成禮各宜歡飲無員住期(貼)老爺妾此時慚感悲欣百端交集既承諄
諭敢不盡歡(生)哈哈請嘎(貼)請(照乾介)(生)再取酒來佩娘我看你雲鬟初
上粉臉生春比往嘗的光景越覺可人了嗟(貼)耶嘎妾賦命不辰幸侍君子只恐
彩雲易散金屋難消(淚介)(生)歡會正長何出此語好令人不解呀(代貼拭淚
介)佩娘你既不耐煩飲酒我和你下階散步一回(貼)老爺請(生)丫鬟們撤過
酒筵烹茶伺候(鬟應下)(生攜貼行介)

(琥珀貓兒墜)玉階如水羅袂不勝涼好月色那(貼)他盼得個團圓也不



國學萃編價目表

零售每册 大洋二角 如付銅元照市計算
每月二册 大洋四角 同上

一至十三册每册售大洋二角不折不扣預定應自十四期往後定不得自
第一期起又六月以後欲補購以前所出各期每册收大洋二角五分
預付本年十四期至二十六期先將閱費付清仍可作九折計算
外埠每册加郵費二分如與敝處直接可免郵費先費後閱空函不答
代派處提二成酬勞凡向代派處購閱者不得再有九折八折之扣仍須照
章每册納郵費貳分此項郵費爲開銷匯寄閱費之用郵費不得再提二成
代派諸君有未將閱費寄繳者一律停寄仍須追繳所欠閱費

本社發行所在北京香爐營頭條胡同東首路北吳宅總經理吳夢蘭君